

國朝宮史
續正編

(四)

國朝宮史續編卷之四十一

典禮三十五 宴饗五

乾清宮千叟宴儀

臣等謹案千叟宴。爲聖祖仁皇帝康熙壬寅年朔典。維時高宗純皇帝甫十二齡。初荷恩育宮中。躬逢嘉會。親見耆耄盈庭。環祝曼美。介眉錫福。懋著上儀。閱乾隆乙巳。凡六十四載。屆御極之五十年。聖齡古稀有五。重念祖德孳培。皇人壽穀。國有大慶。必稽典奉行。以符紹庭繼序之初志。爰諏正月初吉。重賜千叟宴於乾清宮。與宴諸臣。自宗室王貝勒以下。暨內外文武大臣官員。致仕大臣官員。受封文武官階。紳士兵丁。耆農工商。以及外藩王公台吉。回部。番部。土官。土舍。朝鮮賀正陪臣之齒逾六十者。凡三千餘人。其大臣年七十以上。官員兵民等年九十以上者。准子孫扶掖入宴。年最高者。如百五歲之司業銜郭鍾岳等。得隨一品大臣。同趨黼座。親與賜觴。猗歟盛哉。普天

率土喜洽春長。蜚乞驪陸以來。熟能轅此福德之厚。亦孰能布此恩禮之隆。舉一世而偕遊仁壽之天者也。臣等謹輯宴儀樂章。並敬錄聖製恭依皇祖原韻詩。以著聖揆同符。樹義大而垂訓遠者焉。

乾隆五十年正月初六日。賜千叟宴於乾清宮。是日陳中和韶樂於乾清宮檐下。丹陛大樂於乾清門內。張黃幕於丹陛正中。陳坫案於幕內。尊爵金卮壺勺。具陳恩賚各件於甬道左右。張青幕於各宴次。每幕置尊陳官饌。席皆有罽列。宴席五十於殿廊下。二百四十四席於丹墀內。一百二十四席於甬道左右。三百八十二席於丹墀外左右。爲席八百。應入宴之王貝勒貝子公一二品大臣等。於殿廊下。三品以下五品以上官員。於丹墀甬道左右。六品以下至衆年老之拜唐阿以及兵民匠藝人等。於丹墀外左右。均東西向坐。先時引應入座衆。叟於丹墀左右宴次。豫行入班。入坐之王公大臣等。於殿外左右階下祇埃。屆時中和韶樂作。上御殿升座。樂止。鳴贊官贊排班。贊進。丹陛大樂作。御前大臣

二、引王、貝勒、貝子、公、大臣等，由左右階進至丹陛，贊跪叩。衆叟俱隨王、公班後。於坐次行三跪九叩禮。樂止。引王以下大臣等，各按品級入宴。行一叩禮。坐。衆皆於坐次隨行一叩禮。皆坐。進茶。丹陛清樂作。上進茶。王以下大臣等，於坐次行一叩禮。衆隨叩。侍衛等行茶。王以下大臣等，於坐次行一叩禮。衆隨叩。樂止。進果筵。展筵幕。以次展各席幕。進酒。進爵大臣進酒如常宴儀。丹陛清樂作。上進酒。王以下大臣等，於坐次行一叩禮。衆隨叩。上召入宴一品大臣及衆叟中一百五歲至九十歲者。至寶座前跪。手賜卮酒。尋命諸皇子、皇孫、皇曾孫等，行殿內王以下大臣酒。侍衛等，於各官衆叟宴次行酒。並承旨分賜果食於各宴席。咸於坐次行一叩禮。進饌。丹陛清樂作。承應上演劇。饌畢。承應下徹饌。王以下大臣等，於坐次行一跪三叩禮。衆隨叩。中和韶樂作。上啟座。還宮。管宴王大臣分頒恩賚詩刻。如意、壽杖、朝珠、繒綺、貂皮、文玩、銀牌，各有差。咸跪領退。隨引至乾清門謝恩。行三跪九叩禮。如儀。

乾清宮千叟宴樂章

升座中和韶樂○乾隆五十年春月王正日辰帝世重熙盛典陳高年高會楓宸有盈庭鶴髮臣民望鑪香開扇輪共尊親年逾書亥福迓重申○進茶丹陛清樂○壽愷昇平瑞慶叶重熙仰宸躬行健天儀乾符象顯泰階期久於其道唐虞際超頊侁軼提蜚正宵衣旰食德之純不已德之純不已輿圖二萬鴻勳啓全書三萬奎文麗允文武古稀天子八表義圖萬年軒紀解一宴啟拜舞首宗支首宗支公卿牧伯共追隨歸田人許扶鳩至扶鳩至更陪臣海外高麗更陪臣海外高麗封翁壽爵上丹墀並皤皤皓首龐眉解二黃鸝練雀群僚底兜鍪隊帥旅熊羆濟濟章縫士宸躬敷錫徧群黎老農匠藝鼓舞軒轅喜軒轅喜春筵上萬萬萃期頤解三溯當年龍光喜起到於今燕翼謀詒吾皇繼述茂前徽重開宴重光奠麗解四尙爵朝廷先尙齒觴稱兕千復千人介維祺樂清時東膠養老三王治南山獻頌九如詩引年今日多加禮解五况天家諸福備慶曾元五代同

堂喜。桐有蕤。蘭載猗。春風花發萬年枝。瓜瓞衍洪福。解六福有由基。人惟德致。君

王有道嘉祥備。風皞皞。景熙熙。風皞皞。景熙熙。合諸天。環大地。都是吉雲垂。日

月無私。普人間添甲子。普人間添甲子。解七寶翰天題。元音虞陛。人分一首廣颺

義。聯百韻。柏梁詩。聯百韻。柏梁詩。帝庸歌。人七字。金石播英詞。日月無私。普人

間添甲子。普人間添甲子。解八天人嘉應重華世。問史冊誰能媲美。珥筆慶昌期。

稱觴千萬歲。解九進酒丹陛清樂。紫禁春開。壺天雲霧。羣仙會。共祝臺萊。春

滿三千界。解一春風寰海。紫霞同上萬年杯。仰乾清辰共。正泰運天開。紅瑟瑟。初

陽升若木。白輝輝。晴雪在宮槐。換桃符。千門懸綵。喧爆竹。萬戶轟雷。南弧獻瑞。

北斗斲醕。解二大禹崇情惡旨懷。但尋常。却酒杯。獸樽庭下。醴陳陪。衢樽陌上。春

醴海。瓦樽田畔。盤堆榮。同浮玉壘。不是等閒排。是幽風春酒公堂介。稱觴衆。徧

九垓。稱觴衆。徧九垓。解三雲縵縵。卮琢瓊瑰。皚皚映玉階。光灩灩。和闐白玉材。碧

瀼漿。芳滿壺。黃封醞。甘滿疊。德產自西來。解四有年垂九十。幾人壽耆鮒。更頭銜

一品。幾人廊廟材。總優老恩推。幾人手賜杯。照天光。席近前。斟天酒。春生靄。三

爵也。酡貌。春回。

解五

更芳筵。右兩階。蒲筵堯厨。桃實瑤臺。但到處飽餐沆瀣。問何

人曾聞天籟。

解六

三百歲。合三槐。綸扉阿伍。偕嵇蔡。朝天免使晨星戴。風寒免使

朝珂待。天教頤養享康寧。傳來感激群寮案。

解七

瞻雲日。閩嶠來。春巡六度江干

屈。春綸兩度殊恩沛。新恩司業諸生拜。持將百五歲春秋。酬恩萬倍籌添海。

解八

堯尊沛。周賚排。如意瓌材。繡段雲裁。鳩杖天街。三十兩人帶銀牌。萬民衣。字寫

皇恩大。萬民衣。字寫皇恩大。帶鑪烟。捧出瑤階。兒孫巷陌傳佳話。人間誰到天

上初回。

解九

山龍繡綵。金石和諧。德貫三才。堂顏五代。勝上春臺。勝拜堯階。勝祝

華封人在。帝揮絃。民阜財。壽世羲媧。大有埏垓。問來朝。菜甲挑纔。樂春盤。有酒

如淮。樂春盤。有酒如淮。願年年天上春來。香山洛社人千倍。燕毛禮洽。燕喜圖

開。

解十

願從今。嘉會再。壽宿長明上台。千叟恩榮宴屢開。重將十體詩排。積篇章

無量京垓。敷錫宜民。福孔皆。感雨露恩栽。壽佛醍醐海。五雲長是繞蓬萊。

辭趣

○

進饌丹陛清樂。○壽寓同登。萬國咸寧。協氣徧寰瀛。三宵露盈。三殿春生。一人端拱乾清。鵲鑑鸞扇祥烟裊。珠樹銀旛繡影繁。鷺序橫。虎拜成。布筵設席同慶。

解一先春瑞雪農祥正。上辛一日豐年定。鷄竿詔下新頒令。階蓂六葉良辰慶。迎

氣浹旬旂。剪綵明朝勝。都來瑞叶筵前應。解二昭敬。白髮蒼顏氣屏營。黃帕正高

擎。瑤檻如迎。瓊陛如繩。移雕案。近金莖。柘黃繖直龍銜柄。望紅雲低傍前楹。調

寶鼎。晉仙羹。捧向御筵端正。解三何須侈麟腴鳳臙。何須詔駝峰豹羹。君王盱食

爲民情。非飲食。禹功成。解四綏桃露零。碧藕風清。摘梨大谷瑞煙凝。金盤幾層。安

期巨棗如瓜贈。餽餽粬粬高頭釘。不是尋常譙席橫。回城三果徠包貢。帝耒天

戈種得成。解五龍墀排定。啟黃封四豆甘凝。天卮味永。看八百瓊筵班列整。群臣

長飽天家祿。有田間瓦甌。鼓腹兒孫偕慶。今朝筵上。又來飽德堯厨。含滋周鼎。

解六執醬爵。祝噎哽。更有春仲羅鳩。君親袒割牲。古儀附會。諸儒掇拾。何如此日

誠。一堂和樂。仰君酢臣醺。情親禮敬。解七歡慶。玉筵頒。天語命。克食賜。傳餐盛。鼎

珍禁燭。共得斟羹。更招來孫曾扶掖。六膳攜歸仙味。向堯蒲。荷分惠衢樽。非

幸。

八解

授几儀成。三千黃髮盈庭。今古何人見此曾。億兆京垓。譙屢行。願長此萬

壽稱觥。照世杯明仁壽鏡。

趙辭

○還宮中和韶樂。○雲開黼座。氤氳望天回紫宸。

九拜龍光舞蹈。申仙韶聲。遠徧聞。退朝班。仙仗繽紛。到蓬萊。攜紫雲。散仙群。九重曼壽。千叟長春。

乾隆四十九年九月二十八日。奉諭旨。朝鮮國進獻年貢陪臣。向例於歲底到京。明正舉行千叟宴。中外大小臣工耆庶。年逾周甲者。咸得預宴。用普壽祺。朝鮮國素稱恭順。比於內臣。其陪臣亦應一體入宴。以昭寵眷。著禮部即速行文該國王。所有今歲年貢正副使。酌派年在六十以上者一二員來京。俾得預茲盛典。共沐光榮。以示朕加惠遠邦。優禮耆年之至意。

十月初九日。奉諭旨。繫古帝王御世。建極凝庥。上有敷錫之君。下享康寧之福。洎乎近代。史冊鈔稱。我皇祖冲齡踐阼。統御寰區。仁漸義摩。涵濡休養。康熙年

間。曾舉行千叟宴。與中外臣民。躋壽宇而迓繁禧。誠爲千載一時之嘉會。朕誕膺丕緒。敬紹鴻圖。仰承昊蒼眷顧。福佑朕躬。年逾古稀。尙能康強勤政。惟是斂時錫福。期舉世咸登仁壽。著於乾隆五十年正月初六日。舉行千叟宴盛典。用昭我國家景運昌期。重熙累洽。嘉與中外臣民耆老。介祉延禧之至意。所有一切事宜。著各該衙門敬謹預備。

十一月二十三日。奉諭旨。明歲舉行千叟宴。原定四品以下官員。年過六十五歲以上者。始准入宴。現在人數已增至三千。而官員與兵丁不同。如必六十五歲以上。方准入宴。則年過六十。不得邀榮者甚多。著加恩。凡在京四品以下現任原任各員。年六十者。俱准其入宴。用昭普錫春祺。加惠耆臣之至意。

十二月二十三日。奉諭旨。新正舉行千叟宴。所有與宴之官員兵民。年在九十以上者。俱准其子孫扶掖入宴。其文武大臣年逾七十者。令其自行揣量。如步履稍艱。亦准其子孫一人扶掖入宴。以示朕優眷耆年。有加無已之至意。

聖製千叟宴恭依皇祖原韻 乙巳

抽秘無須更騁妍。惟將實事紀耆筵。追思侍陞髫垂日。皇祖於壬寅歲舉行千叟宴實從古未有之曠

典維時與宴王大臣命諸皇子賜觴以示慈惠至年未及歲之皇子皇孫並命侍立觀禮余時年甫十二躬逢嘉會親見耆筵慶錫龍光燕譽之隆閱今乙巳

凡六十四訝至當軒手賜年。今歲乙巳朕御極五十年恭依皇祖成典於新正

臣以上皆召至御筵前手賜之觴君醉臣醺九重會。天恩國慶萬春延。祖孫兩

舉千叟宴。史策饒他莫並肩。

國朝宮史續編卷之四十二

典禮三十六

宴饗六

皇極殿千叟宴儀

臣等謹案嘉慶初元。再舉千叟宴禮於寧壽宮之皇極殿。皇帝奉太上皇帝端御東朝。率天下耆耄臣民。高呼獻壽。其儀率多由舊。而盛事實視前有加。蓋是日與宴席者三千五十六人。列名邀賞者尙五千人。上自耄倪。下逮襁褓。以至蒙古、回部、番部、朝鮮、安南、暹羅、廓爾喀、諸國陪價。略其年甲。咸集殿墀。數逾八人千之衆。又是年恭屆太上皇帝聖壽八十有六。臣僚中六旬入宴者。猶爲乾隆元年始生之人。雖榮以叟名。皆荷六十年天恩長養所致。至於中天慶會。上聖心傳。依仁皇元韻而載賡。鑒子帝和章之善述。四詩一貫。垂示萬來。從茲茂衍國章。普蒸人瑞。益神遊於泰上成鳩之世。而紀京垓積筴於無窮也。

嘉慶元年正月初四日。皇帝奉太上皇帝。再舉千叟宴於寧壽宮之皇極殿。是日。陳中和韶樂於皇極殿檐下。丹陛大樂於寧壽門內。布內外王、貝勒、貝子、公、台吉、一二品大臣等。宴席於殿內。朝鮮、回部、番部、暹羅、安南、廓爾喀等國使臣。宴席於殿廊下。三品大臣官員。宴席於丹陛甬路。四品以下有職官員。宴席於丹墀左右。其餘拜唐阿、護軍、馬甲、以及兵民匠藝人等。宴席於寧壽門外。均左右向。先時。內外王、貝勒、貝子、公、大臣等。於殿外左右階下。按翼序立。文武官員。及各國使臣。以及兵民匠藝人等。豫行入班祇候。屆時。中和韶樂作。皇帝奉太上皇帝。御皇極殿。升座。樂止。鳴贊官贊排班。贊進。丹陛大樂作。管宴大臣。引內外王公大臣。由左右階進至丹陛。按班序立。贊跪。行三跪九叩禮。各國使臣。及衆叟。隨行禮。樂止。引內外王公大臣等。入殿內。各於坐次行一叩禮。坐。餘隨行一叩禮。皆座。進茶。如前宴儀。尙膳舉太上皇帝、皇帝、果筵。展筵幕。丹陛清樂作。內務府掌儀司官。執壺爵。由中路進至殿門闕外。西向立。實酒於爵。進爵大臣。

就案前正中。跪。掌儀司官跪授爵。進爵大臣接受。興。由寶座中陞升。跪進爵於皇帝。皇帝受爵。捧詣太上皇帝寶座前。北向跪。進爵。興。就地平正中。行一叩禮。王以下及衆叟。咸於座次行一叩禮。皇帝興。就太上皇帝寶座前。跪受虛爵。立授進爵大臣。還御寶座。太上皇帝召入宴王公、一品大臣、及衆叟中一百六歲至九十歲者。至寶座前。跪。手賜卮酒。尋命諸皇子、皇孫、皇曾孫、元孫等。行殿內王以下大臣酒。侍衛等。於各官衆叟宴次行酒。並承旨分賜果食於各宴席。咸就坐行一叩禮。進饌。丹陛清樂作。承應上。演劇。饌畢。承應下。徹饌。王公以下及衆叟。咸於坐次行一跪三叩禮。中和韶樂作。太上皇帝、皇帝、啟座。還宮。管宴大臣。分頒恩賚詩刻。如意、壽杖、朝珠、繒綺、貂皮、文玩、銀牌。各有差。咸跪領退。隨引至寧壽門謝恩。行三跪九叩禮。如儀。

皇極殿千叟宴樂章

升座中和韶樂○乾隆六十一年。授嘉慶初元。叟宴三開鉅典傳。天家尊養彌

虔建維皇錫極無偏。率臣隣。逮戶編。暨垓埏。軒宮初御。春殿長筵。○進茶丹陛。
清樂○壽世欣逢泰。茂典重開。肆耆筵。國庶同儕。星雲卿景麗三階。太平氣益
春如海。歌露渥。頌臺萊。共依光闕下。祝軒齡億載。祝軒齡億載。東皇獻歲晨熹
霽。南弧朗曜祥光對。聽臚頌。吉符書亥。黼座承顏。袞衣娛綵。解一樂愷。錫福衍京

垓。衍京垓。宗支蒼宿並魁台。鵷行師濟聯寮案。聯寮案。更東瀛西極偕徠。更東

瀛西極偕徠。名藩使价快追陪。湛溶溶。春茗浮杯。解二旗營將校連軍隊。章縫章

布列翹材。矍鑠誇同輩。康衢父老頌聲皆。肆塵眈。競說恩光逮。恩光逮。彤墀

畔。拜舞一聲雷。解三溯前典。醴膏渥沛。迓元正。綺席新排。大千熙皞到春臺。瞻佛

壽。純釐懋介。解四鳳闕龍樓騰麗采。集冠裾。同上雲霄。金奏諧。玉琯催。觚稜日上

初筵屆。天家蕃祉萃庭陔。萃庭陔。陽春普芘三千界。解五記髫齡。依聖代。閱春秋

六甲今環再。髮同皤。背似鮐。乾爲大父荷滋培。耆碩也嬰孩。解六協氣春回。和風

晝藹。十行恩詔真寬大。如酥雨浥天街。如酥雨浥天街。被人間凡草木。滲漉到

根荖舜陞堯階。合歡心增萬倍。合歡心增萬倍。解七聖壽延洪。皇仁錫賚。衆仙咸

預耆英會。賡曼美。詠康哉。積籙齡。同絳甲。願祝大年賅。舜陞堯

階。合歡心增萬倍。合歡心增萬倍。解八人天盛事超前載。睹耆壽盈廷。颺拜。子帝

歲承歡。億年方未艾。辭趨○進酒丹陛清樂。○紫殿春長。東華日上。隆尊養。共晉

瑤觴。甲子增無量。解一靈臺儀象。堯辰舜丙再開祥。值老人書亥。更吉日重光。福

穰穰。三陽方啓泰。祺嘒嘒。列宿正逢亢。拜雞竿。歡聲衢壤。瞻鳳宸。喜氣宮牆。膏

斟玉斚。露泛絲囊。解二栗陸驪連。源柏皇。繡惇史。試較量。幾家驚序東朝上。幾家

鶯襟西膠饗。幾家龍袞南陔養。衢尊共嘗。簫雅共躋堂。徧九州萬國同歡暢。評

千古總少雙。評千古總少雙。解三紉縵縵復旦雲翔。暉暉麗景光。暉靄靄春陰覆

苑牆。斗北辰。日右旋。星東壁。垣左方。建極仰維皇。解四自初元御極。丙辰年升炷

香。更六旬啓宇。丙甲年聯左廂。再環甲膺圖。丙辰年傳元良。荷天恩。德合符。承

天意。珍符貺。初御殿賢越虞唐。解五頌攸寧。曼壽長。五福增題。五代顏堂。更後此